



34. stjórnarfundur KKÍ starfstímabilið 2021-2023

Mánudagur 5. desember 2022 kl. 17:00

Mætt til fundar: Hannes S. Jónsson formaður (HSJ), stýrir fundi, Guðbjörg Norðfjörð Elíasdóttir varaformaður (GNE), Birna Lárusdóttir annar varaformaður (BL), Guðni Hafsteinsson gjaldkeri (GH), Herbert Arnarson (HSA), Lárus Blöndal (LB), Jón Bender (JB), Guðrún Kristmundsdóttir (GK) og Erlingur Hannesson (EH).

Forföll boðaði; Einar Karl Birgisson (EKB).

HSJ og GNE rituðu fundargerð.

1. Fundargerð síðasta fundar

Hefur verið samþykkt rafrænt. Fundargerðir ársins 2022 komnar á kki.is.

2. Fjármál

Farið yfir stöðuna, því miður þá eru það alltaf 4-5 félög sem greiða ekki á réttum tíma til KKÍ. Mikil orka fer í ýta við greiðslum og eru þetta mikið til sömu félögin. HSJ falið að senda ítrekun á að greiðsla þurfi að koma strax annars verði viðurlögum beitt samkvæmt reglugerð. Eitt aðildarfélag hefur komið með þá hugmynd að KKÍ birti sektir opinberlega, umræður um málið, ákveðið að hafa þetta óbreytt þangað til á næsta þingi.

Ennþá er ekki komin niðurstaða í fjárhagslegan stuðning vegna COVID frá ríkisvaldinu. Orðið virkilega þreytt og hefur neikvæð áhrif á rekstur sambandsins.

3. Mótamál

LB fór yfir stöðuna almennt.

Farið yfir úrskurð áfrýjunardómstóls vegna leiks Tindastóls og Hauka. Umræður um niðurstöðuna. Stjórnarfolk sammála um að skoða þurfi hvort viðurlög séu of hörð. Umræður hvort þær breytingar eigi að taka gildi á þessu tímabili eða bíða til næsta keppnistímabils, verður tekið fyrir á næsta fundi.

Farið yfir stöðuna í viðræðum við KKDÍ.

4. Afreks- og landsliðsmál

Farið yfir leikina og úrslitin í nóvemberglugganum hjá karla- og kvennaliðunum. Farið yfir stöðuna hjá yngri liðunum fyrir æfingar um jólin. Þriðjudaginn 20. desember er vinnufundur með þjálfurum og miðvikudaginn 28. desember er fundur með foreldrum U15, U16 og U18 liðanna.

Álit samskiptaráðgjafa íþrótta- og æskulýðsstarfs vegna máls sem kom upp í sumar hjá U18 stúlknalandsliðinu rætt. Álitið er á þá leið að KKÍ fylgdi verkferlum rétt sem og að þjálfari viðhafði ekkert ólöglegt og getur því starfað sem þjálfari áfram hvort sem er hjá félagi eða í afreksstarfi KKÍ.

5. ÍSÍ málefni

Farið yfir málefni formannafundar ÍSÍ sem fór fram þann 25. nóvember síðastliðinn.

6. Formannafundur KKÍ 7. janúar

Ákveðið að halda formannafund laugardaginn 7. janúar. Fundurinn er undirbúningur fyrir körfuknattleiksþing 25. mars 2023. Meðal annars verður farið yfir málefni erlendra leikmanna, sjónvarps- og veðmálaréttindi, vinnu við nýja framtíðarsýn KKÍ og ýmis önnur mál.

7. Önnur mál

Enginn önnur mál voru á fundinum.

Næsti fundur mánudaginn 9. janúar kl. 17.00